



Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi prečišćeni tekst i 37/14 – Ispravka), člana 29. i 36. Zakona o izvršavanju Budžeta Kantona Sarajevo za 2022. godinu („Službene novine Kantona Sarajevo“ broj: 5/21), člana 124. Zakona o veterinarstvu FBiH („Službene novine Federacije Bosne i Hercegovine“, broj: 46/00) i člana 24. stav (2) Pravilnika o visini naknade i načinu raspodjele sredstava za obavljene veterinarsko-zdravstvene preglede i kontrolu na teritoriji Federacije Bosne i Hercegovine (Službene novine Federacije BiH“ br. 51/11, 55/12, 5/16 i 62/21) Vlada Kantona Sarajevo, na..... sjednici održanoj ..... d o n o s i

## **O D L U K U**

### **O USVAJANJU PROGRAMA UTROŠKA SREDSTAVA PRIKUPLJENIH OD NAKNADA ZA OBAVLJENE VETERINARSKO ZDRAVSTVENE PREGLEDE I KONTROLU, NAMJENJENIH ZA PROVOĐENJE MJERA ZDRAVSTVENE ZAŠTITE ŽIVOTINJA I SIGURNOSTI HRANE NA PODRUČJU KANTONA SARAJEVO ZA 2022. GODINU**

#### **I**

Ovom odlukom usvaja se Program utroška sredstava prikupljenih od naknada za obavljene veterinarsko zdravstvene preglede i kontrolu, namjenjenih za provođenje mjera zdravstvene zaštite životinja i sigurnosti hrane na području Kantona Sarajevo za 2022. godinu.

#### **II**

##### **1. SVRHA PROGRAMA**

Ovim Programom planirana su finansijska sredstva za finansiranje/sufinansiranje projekata i aktivnosti kojima se unapređuje oblast zdravstvene zaštite životinja i sigurnosti hrane na području Kantona Sarajevo, a koji će se realizovati kroz sljedeće projekte / aktivnosti.

##### **1.1. Nadoknade štete za ubijene i zaklane životinje i uništene predmete tokom provođenja naređenih mjera, provođenje eutanazije i dezinfekcije**

Pravnim i fizičkim licima kojima je Rješenjem Kantonalnog veterinarskog inspektora Inspektorata za veterinarstvo Kantonalne uprave za inspeksijske poslove Kantona Sarajevo, naređena mjera eutanazije, klanja, ubijanja životinja zaraženih ili na zaraznu bolest sumnjivih životinja kao i uništenih ili oštećenih predmeta zbog provođenja naređenih mjera, a koji ispunjavaju uslove za isplatu nadoknade štete u skladu sa Pravilnikom o postupku isplate nadoknade štete za neškodljivo uklonjene seropozitivne životinje ("Službene novine FBiH", broj: 98/12 i 88/18), isplatit će se nadoknada štete obračunata u skladu sa Uputstvom o načinu utvrđivanja vrijednosti pričinjene štete od divljači broj: 07-06-26-19291/06 od 25.05.2006. godine koje je donio ministar Ministarstva privrede Kantona Sarajevo.

Članom 124. stav 1. Zakona o veterinarstvu FBiH („Službene novine Federacije Bosne i Hercegovine“, broj: 46/00) je definisano da se u budžetu kantona osiguraju sredstva za isplatu nadoknade za ubijene i zaklane životinje i uništene predmete tokom provođenja naređenih mjera.

Navedena aktivnost se provodi tokom cijele godine.

## **KRITERIJI NA OSNOVU KOJIH PRAVNO/FIZIČKO LICE OSTVARUJE PRAVO NA NAKNADU ŠTETE ZA NEŠKODLJIVO UKLONJENE SEROPOZITIVNE ŽIVOTINJE**

Kriteriji na osnovu kojih pravno/fizičko lice ostvaruje pravo na naknadu štete propisani su u članu 2. i 3. Pravilnika o postupku isplate nadoknade štete za neškodljivo uklonjene seropozitivne životinje ("Službene novine FBiH", broj: 98/12 i 88/18). Vlasnik životinje ima pravo na naknadu štete ako je:

- a) bez odgađanja prijavio sumnju na zaraznu bolest životinja najbližoj veterinarskoj organizaciji;
- b) obavio propisano preventivno vakcinisanje u određenim vremenskim periodima, kao i dijagnostičko i drugo ispitivanje životinja;
- c) obavio propisno obilježavanje životinja.

Vlasnik životinje nema pravo na naknadu štete ukoliko:

- a) se bolest pojavila tokom uvođenja novih životinja u stado, koje nemaju propisane potvrde o zdravstvenom stanju;
- b) se bolest pojavila tokom propisanih ispitivanja u međunarodnoj trgovini (karantin);
- c) životinje nisu obilježene propisanom ušnom markicom;
- d) nije poduzeo propisane ili naređene mjere za sprječavanje i suzbijanje zaraznih bolesti;
- e) je kod pčela oboljelih od američke gnjiiloce tok bolesti stariji od dva mjeseca;
- f) dopremi životinju iz nezaraženog u zaraženo ili ugroženo područje ili iz zaraženog i ugroženog u nezaraženo područje;
- g) se bolest životinja pojavila za vrijeme pašarenja ili žirenja na zabranjenim površinama, odnosno ako se zarazna bolest pojavila radi nepoštivanja naređene mjere obaveznog čuvanja životinja na ispaši ili žirenju;
- h) zahtjev za nadoknadu nije podnesen Federalnom ministarstvu poljoprivrede, vodoprivrede i šumarstva (u daljem tekstu: Federalno ministarstvo) u roku od dvadeset i osam dana, od dana neškodljivog uklanjanja životinja, osim u slučaju iz člana 9. stav (2) navedenog Pravilnika.

Članom 8. Pravilnika o postupku isplate nadoknade štete za neškodljivo uklonjene seropozitivne životinje ("Službene novine FBiH", broj: 98/12 i 88/18) je propisano da se 50% sredstava za isplatu nadoknade štete obezbjeđuje iz budžeta kantona, a drugih 50% iz budžeta Federalnog ministarstva poljoprivrede, vodoprivrede i šumarstva.

Članom 10. Pravilnika o postupku isplate nadoknade štete za neškodljivo uklonjene seropozitivne životinje je propisano da troškove eutanazije životinja i dezinfekcije dvorišta, obora i staja snosi kantonalno ministarstvo.

Veterinarska organizacija kojoj je Rješenjem veterinarskog inspektora naređeno da provede mjeru eutanazije životinja i dezinfekcije dvorišta, obora i staja, prilikom podnošenja zahtjeva za naplatu troškova, treba da ispunjava sljedeće kriterije:

- a) da je registrovan za obavljanje poslova veterinarske djelatnosti,
- b) da je registrovan za obavljanje poslova dezinfekcije, dezinfekcije i deratizacije,
- c) da je cjenovnik usklađen sa Odlukom o utvrđivanju cjenovnika veterinarskih usluga u Federaciji BiH, ("Službene novine Federacije BiH", broj 43/13).

### **1.2. Provođenja mjera analitičko-dijagnostičkog ispitivanja na zahtjev i/ili po nalogu veterinarske inspekcije Kantonalne uprave za inspeksijske poslove Kantona Sarajevo**

Članom 124. stav 2. Zakona o veterinarstvu FBiH ("Službene novine Federacije Bosne i Hercegovine", broj: 46/00) je definisano da se u budžetu kantona osiguraju sredstva za podmirenje troškova za prevenciju, suzbijanje i iskorjenjivanje zaraznih bolesti kod životinja koje su od posebnog interesa za kanton.

Članom 139. istog zakona su definisani poslovi i nadležnosti kantonalnog veterinarskog inspektora. Pravnim i fizičkim licima kojima je Rješenjem Kantonalnog veterinarskog inspektora Inspektorata



za veterinarstvo Kantonalne uprave za inspekcijske poslove Kantona Sarajevo, naređena mjera analitičko - dijagnostičkog ispitivanja uzoraka, a koji su provodili propisane i/ili naređene mjere zdravstvene zaštite životinja, izvršit će se isplata finansijskih sredstava, ukoliko finansijska sredstva nisu obezbjeđena sa viših nivoa vlasti.

Navedena aktivnost se provodi tokom cijele godine.

Radi se o sljedećim pretragama:

- Dijagnostičke pretrage divljih životinja (trihelozna),
- Toksikološke pretrage mlijeka i hrane za muzna grla (afلاتoksin M1 i B1),
- Patoanatomske, patohistološke i sl. pretrage sumnjivih tkiva i organa životinja na liniji klanja, preradi, proizvodnji i distribuciji,
- Parazitološke pretrage tkiva, organa i/ili izlučevina životinja po ukazanoj potrebi,
- Mikrobiološke pretrage hrane i drugog dijagnostičkog materijala na Salmonella spp u svim fazama od farme do stola,
- Ostale pretrage i mjere veterinarske inspekcije po ukazanoj potrebi (incidenti, neočekivane pojave ili sumnje, prevencija).

### **KRITERIJI: NA OSNOVU RJEŠENJA KANTONALNOG VETERINARSKOG INSPEKTORA INSPEKTORATA ZA VETERINARSTVO KANTONALNE UPRAVE ZA INSPEKCIJSKE POSLOVE KANTONA SARAJEVO, NAREĐENA MJERA ANALITIČKO - DIJAGNOSTIČKOG ISPITIVANJA UZORAKA**

#### **1.3. Popis i označavanje životinja. Podmirenje dijela troškova veterinarsko zdravstvene zaštite pasa (vakcinacija, dehelmintizacija i identifikacija) u skladu sa članom 124. stav 3. Zakona o veterinarstvu FBiH**

Članom 124. stav 3. Zakona o veterinarstvu FBiH ("Službene novine Federacije Bosne i Hercegovine", broj: 46/00) je propisano da se u budžetu kantona osiguravaju sredstva za podmirenje dijela troškova za vještačko osjemenjivanje krava, označavanje životinja i drugih zootehničkih i zoohigijenskih mjera.

Iznos finansijskih sredstava će se uskladiti sa Odlukom o utvrđivanju cijenovnika veterinarskih usluga u Federaciji BiH, ("Službene novine Federacije BiH", broj 43/13).

Popis i označavanje životinja na području Kantona Sarajevo će vršiti veterinarske organizacije.

#### **KRITERIJI KOJE MORAJU ISPUNJAVATI VETERINARSKE ORGANIZACIJE ZA PODMIRENJE DIJELA TROŠKOVA VETERINARSKO ZDRAVSTVENE ZAŠTITE PASA (VAKCINACIJA, DEHELMINTIZACIJA I IDENTIFIKACIJA)**

Kriteriji koje moraju ispunjavati veterinarske organizacije za isplatu finansijskih sredstava su sljedeći:

- a) da je registrovan za obavljanje poslova veterinarske djelatnosti
- b) da ima najmanje dva uposlena veterinara u stalnom radnom odnosu
- c) da je izmirio porezne obaveze i obaveze PIO / MIO u 2021. godini

Ministarstvo privrede će finansirati/sufinansirati popis i označavanje životinja na području Kantona Sarajevo u 2022. godinu veterinarskim organizacijama.

#### **1.4. Podmirenje dijela troškova mastitis testova**



Članom 124. stav 4. Zakona o veterinarstvu FBiH ("Službene novine Federacije Bosne i Hercegovine", broj: 46/00) je propisano da se u budžetu kantona osiguravaju sredstva za podmirenje dijela troškova provođenja mastitis testa.

Ministarstvo privrede će veterinarskim organizacijama sufinansirati troškove provođenja mastitis testa kod krava na području Kantona Sarajevo za 2022. godinu.

Iznos finansijskih sredstava će se uskladiti sa Odlukom o utvrđivanju cijenovnika veterinarskih usluga u Federaciji BiH, ("Službene novine Federacije BiH", broj 43/13).

Navedena aktivnost se provodi tokom cijele godine.

## **KRITERIJI KOJE MORAJU ISPUNJAVATI VETERINARSKJE ORGANIZACIJE ZA PODMIRENJE DIJELA TROŠKOVA MASTITIS TESTOVA**

Kriteriji koje trebaju ispunjavati veterinarske organizacije su:

- a) da je registrovan za obavljanje poslova veterinarske djelatnosti,
- b) da ima najmanje dva uposlena veterinara u stalnom radnom odnosu,
- c) da je izmirio porezne obaveze i obaveze PIO / MIO u 2021. godini.

### **1.5. Finansiranje / sufinansiranje pojedinačnih projekata veterinarskog javnog zdravstva od interesa za Kanton Sarajevo**

Ministarstvo privrede će finansirati / sufinansirati projekte iz oblasti veterinarstva koji će doprinijeti poboljšanju zdravstvenog stanja životinja, suzbijanju i sprečavanju širenja zaraznih i parazitarnih bolesti životinja i veće higijensko zdravstvene ispravnosti proizvoda životinjskog porijekla, a koje ocijeni značajnim za razvoj i unapređenje veterinarstva na području Kantona Sarajevo.

Ministarstvo privrede Kantona Sarajevo je planiralo podržati sljedeće projekte:

#### **A. Projekti koji se rade kontinuirano:**

- Istraživanje zastupljenosti *Campylobacter* spp., *Salmonella* spp., *Listeria monocytogenes* i *E.coli* 0157:H7 u proizvodima animalnog porijekla (sirovo mlijeko i meso peradi i goveda) i kontrola mikrobiološke čistoće površina u objektima na području Kantona Sarajevo,
- Monitoring parazitarnih oboljenja životinja u Kantonu Sarajevo,
- Sveobuhvatna istraživanja uginuća domaćih i divljih životinja na području Kantona Sarajevo sa naročitim osvrtom na zoonoze i druge zarazne bolesti.

#### **B. Projekti od javnog interesa za Kanton:**

- Nadzor emergentnih virusnih infekcija ptica i vektora njihove transmisije u Kantonu Sarajevo
- Istraživanje bruceloze kod pasa;
- Istraživanje ispravnosti i kvaliteta meda, (Određivanje parametara kvaliteta i higijenske ispravnosti meda u pogledu prisustva rezidua amitraze);
- Pilot projekat kontrole populacije vrana u urbanim područjima Sarajeva;
- Istraživanje ispravnosti i kvaliteta mesnih pripravaka;
- Istraživanje mikrobioloških kriterija s ciljem verifikacije rokova trajnosti na deklaraciji;
- Programi obuke u vezi sa veterinarskim javnim zdravstvom (obuke veterinara, držaoca životinja, lovaca i sl.).

Projekti moraju imati trajne indikatore i biti usmjereni na poboljšanje i jačanje epizootioloških prilika, kvaliteta života, jačanje kontrolnih kapaciteta i sl. Svi projekti istraživačkog karaktera moraju imati prijedlog mjera za unapređenje javnog zdravstva

**KRITERIJI KOJE TREBAJU ISPUNJAVATI INSTITUCIJE ZA FINANSIRANJE / SUFINANSIRANJE POJEDINAČNIH PROJEKATA VETERINARSKOG JAVNOG ZDRAVSTVA OD INTERESA ZA KANTON SARAJEVO**

Kriteriji koje trebaju ispunjavati institucije za izradu projekata su:

- da je registrovana za obavljanje poslova veterinarske djelatnosti,
- da u svom sastavu imaju akreditirani laboratorij (BAS EN ISO/IEC17025),
- dokaz o posjedovanju neophodne opreme, pribora, dijagnostikume i sredstava za provođenje svih pretraga i planiranih aktivnosti,
- dokaz o iskustvu na realizaciji istih ili sličnih poslova, kao i na realizaciji projekta/programa koji se odnose na naučno – istraživačke projekte u predmetnoj oblasti,
- dokaz o kompetentnosti stručnog tima sa voditeljima pojedinih aktivnosti koji moraju posjedovati dokaze o njihovoj osposobljenosti za obavljanje ove vrste poslova (ranije učešće u projektima istog ili sličnog karaktera, publicirani radovi iz oblasti relevantnih za provođenje monitoringa, certifikati o učešće na naučnim i stručnim skupovima i radionicama),
- da imaju izmirene porezne obaveze i obaveze PIO / MIO u 2021. godini.

**2. VISINA SREDSTAVA**

Red. broj	Projekat / aktivnost	Plan za 2022. g. prema broju jedinki	ParticipacijaKM/jedinici mjere	Participacija ukupno (KM)	Napomena
1.	Nadoknade za ubijene i zaklane životinje i uništene predmete tokom provođenja naređenih mjera			50.000,00	Zakon o veterinarstvu FBiH, čl. 124. stav 1.
2.	Provođenje mjera analitičko - dijagnostičkog ispitivanja na zahtjev i/ili po nalogu veterinarske inspekcije Kantonalne uprave za inspeksijske poslove Kantona Sarajevo				Zakon o veterinarstvu FBiH, čl. 139. i drugi propisi, aktivnosti pokrenute na zahtjev ili rješenje veterinarske inspekcije Kantona Sarajevo
A	Dijagnostičke pretrage divljih životinja (trihineleza)	300	50,00	15.000,00	
B	Toksikološke pretrage mlijeka i hrane za muzna grla (aflatoksin M1 i B1)	200	70,00	14.000,00	
C	Patoanatomske, patohistološke i sl. pretrage sumnjivih tkiva i organa životinja na liniji klanja, preradi, proizvodnji i distribuciji	500	60,00	30.000,00	
D	Parazitološke pretrage tkiva, organa i/ili izlučevina životinja po ukazanoj potrebi	50	60,00	3.000,00	
E	Mikrobiološke pretrage hrane i dr.dijagnostičkog materijala na Salmonella spp u svim fazama od	500	50,00	25.000,00	



	farne do stola				
F	Ostale pretrage i mjere veterinarske inspekcije po ukazanoj potrebi (incidenti, neočekivane pojave ili sumnje)			13.000,00	
3.	Veterinarsko zdravstvena zaštita pasa lualica (vakcinacija, dehelmintizacija i identifikacija) i provođenje mjera sterilizacije / kastracije				u skladu sa članom 124. tačka 2. i 4. Zakona o veterinarstvu FBiH
A	Podmirenje dijela troškova veterinarsko zdravstvene zaštite pasa (vakcinacija, dehelmintizacija i identifikacija)	500	100,00	50.000,00	Mjera sterilizacije i kastracije pasa će se finansirati iz drugih izvora
B	Podmirenje troškova veterinarsko zdravstvene zaštite pasa i mačaka (vakcinacija, dehelmintizacija i identifikacija) i mjera sterilizacije / kastracije pasa i mačaka	200	240,00	48.000,00	Mjera sterilizacije i kastracije pasa i mačaka će se finansirati iz sredstava Ministarstva privrede
C	Podmirenje troškova trokratnog pregleda pasa lualica i eventualne eutanazije	2.000	45,00 (prosječna cijena)	90.000,00	Mjera trokratnog pregleda pasa lualica i eventualne eutanazije će se vršiti putem veterinarske organizacije
4.	Podmirenje dijela troškova mastitis testova u skladu sa članom 124. tačka 4. Zakona o veterinarstvu BiH	4.000	6,00	24.000,00	Obavezno obavještanje inspekcije o rezultatima, posebno neusklađenim rezultatima u skladu sa članom 127. Zakona o veterinarstvu FBiH (veterinarske stanice)
5.	Finansiranje pojedinačnih projekata veterinarskog javnog zdravstva od interesa za Kanton Sarajevo: <b>A. Projekti koji se rade kontinuirano:</b> - Istraživanje zastupljenosti <i>Campylobacter</i> spp., <i>Salmonella</i> spp., <i>Listeria monocytigenes</i> i <i>E.coli</i> 0157:H7 u proizvodima animalnog porijekla (sirovo		Do 50.000,00 KM po projektu		Projekti moraju imati trajne indikatore i biti usmjereni na poboljšanje i jačanje epizootioloških prilika, kvaliteta života, jačanje kontrolnih kapaciteta i sl. Svi projekti istraživačkog karaktera moraju

<p>mlijeko i meso peradi i goveda) i kontrola mikrobiološke čistoće površina u objektima na području Kantona Sarajevo;</p> <ul style="list-style-type: none"> <li>- Monitoring parazitarnih oboljenja životinja u Kantonu Sarajevo;</li> <li>- Sveobuhvatna istraživanja uginuća domaćih i divljih životinja na području Kantona Sarajevo sa naročitim osvrtom na zoonoze i druge zarazne bolesti.</li> </ul> <p><b>B. Projekti od javnog interesa za Kanton:</b></p> <ul style="list-style-type: none"> <li>-Nadzor emergentnih virusnih infekcije ptica i vektora njihove transmisije u Kantonu Sarajevo</li> <li>- Istraživanje bruceloze kod pasa;</li> <li>- Istraživanje ispravnosti i kvaliteta meda, (Određivanje parametara kvaliteta i higijenske ispravnosti meda u pogledu prisustva rezidua amitraze);</li> <li>- Pilot projekat kontrole populacije vrana u urbanim područjima Sarajeva</li> <li>- Istraživanje ispravnosti i kvaliteta mesnih pripravaka;</li> <li>-Istraživanje mikrobioloških kriterija s ciljem verifikacije rokova trajnosti na deklaraciji;</li> <li>-Programi obuke u vezi sa veterinarskim javnim zdravstvom (obuke veterinara, držaoca životinja, lovaca i sl.)</li> </ul>			278.236,00	imati prijedlog mjera za unapređenje javnog zdravstva
<b>UKUPNO</b>			<b>640.236,00</b>	

### 3. IZVORI SREDSTAVA

U Budžetu Ministarstva privrede KS za 2022. godinu – ekonomski kod 614300, IAN 054 Naknade od veterinarsko zdravstvenih pregleda i kontrole, planirana su finansijska sredstva u iznosu od 500.000,00 KM.

Dio finansijskih sredstava za realizaciju ovog Programa čine i prenesena ne utrošena sredstva od naplaćenih veterinarsko zdravstvenih pregleda i kontrole na području Kantona Sarajevo za 2021. godinu u iznosu od 140.236,00 KM.

Tako da su ukupno raspoloživa sredstva po ovom osnovu u iznosu od 640.236,00 KM.

### 4. KATEGORIJA KORISNIKA SREDSTAVA



Adresa: Reisa Džemaludina Čauševića 1, 71 000 Sarajevo  
 Tel: + 387 (0) 33 562-068, Fax: + 387 (0) 33 562-211  
 Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)

Korisnici sredstava iz ovog Programa su pravna i fizička lica kojima je Rješenjem Kantonalnog veterinarskog inspektora Inspektorata za veterinarstvo Kantonalne uprave za inspekcijske poslove Kantona Sarajevo, naređena mjera eutanazije, klanja, ubijanja životinja zaraženih ili na zaraznu bolest sumnjivih životinja kao i uništenih ili oštećenih predmeta zbog provođenja naređenih mjera, a koji ispunjavaju uslove za isplatu nadoknade štete, farmeri, veterinarske organizacije i institucije. Ovaj program obuhvata aktivnosti veterinarsko javnog zdravstva, zaštite životinja i sigurnosti hrane na području Kantona Sarajevo za 2022. godinu te u suštini indirektno korisnici su građani Kantona Sarajevo.

## **5. NAČIN REALIZACIJE PROGRAMA**

Ministarstvo privrede Kantona Sarajevo će postupak izbora projekata za finansiranje/sufinansiranje provesti putem Javnog poziva za dodjelu namjenskih sredstava u oblasti veterinarstva iz Budžeta Kantona Sarajevo – Ministarstva privrede za 2022. godinu koji će biti objavljen u sredstvima javnog informisanja i na web stranici Kantona Sarajevo. Javni poziv će biti sačinjen u skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije Bosne i Hercegovine“ broj: 15/18).

Ministarstvo privrede Kantona Sarajevo će objaviti rang listu uspješnih projekata za finansiranje/sufinansiranje u skladu sa raspoloživim sredstvima, kao i listu subjekata koji ne ispunjavaju uslove iz javnog poziva na web stranici Ministarstva privrede Kantona Sarajevo.

Finansiranje ili sufinansiranje projekata vršit će se u skladu sa ugovorima/sporazumima koje će Ministarstvo zaključiti sa korisnicima sredstava čiji su projekti odobreni.

Korisnici finansijskih sredstava su odgovorni za namjensko trošenje odobrenih sredstava.

Ministarstvo privrede raspolaže pravo da u slučaju potrebe izvrši preraspodjelu finansijskih sredstava unutar planiranih projekata/aktivnosti.

## **6. NAČIN I ROK IZVJEŠTAVANJA**

Korisnici finansijskih sredstava su dužni dostaviti Ministarstvu privrede narativni i finansijski izvještaj o realizaciji projekta sa priložima faktura i fiskalnih računa za nabavku roba i usluga (gdje je to moguće).

Detaljan način i rokovi izvještavanje će biti određeni u Javnom pozivu.

### **III**

Nadzor nad realizacijom Projekata iz tačke 2. ovog Programa vršit će Stručna komisija koju će imenovati ministar Ministarstva privrede Kantona Sarajevo.

### **IV**

Izvršavanje Programa vršit će se u skladu sa Zakonom o izvršavanju Budžeta Kantona Sarajevo („Službene novine Kantona Sarajevo“, broj: 5/21) i Uputstvom o finansijskom planiranju, izvršavanju Budžeta Kantona Sarajevo i evidentiranju rashoda i izdataka prema izvorima sredstava u fiskalnoj godini („Službene novine Kantona Sarajevo“, broj: 17/07 i 31/11).

### **V**

Za realizaciju ove odluke zadužuje se Ministarstvo privrede Kantona Sarajevo i Ministarstvo finansija, svako u okviru svoje nadležnosti.

### **VI**

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

**P R E M I J E R**



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-068, Fax: + 387 (0) 33 562-211  
Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)



Dostaviti:

1. Predsjedavajući Skupštine Kantona Sarajevo,
1. Zamjenici predsjedavajućeg Skupštine Kantona Sarajevo (3x),
2. Premijer Kantona Sarajevo,
3. Ministarstvo privrede Kantona Sarajevo,
4. Ministarstvo finansija Kantona Sarajevo,
5. Za objavu u „Službenim novinama Kantona Sarajevo“,
6. Evidencija,
7. A r h i v a.